

AD CARDINALITIAM.

QVÆSTIO MEDICA.

DISCEPTANDA MATVTINIS DISPTATIONIBVS IN SCHOLIS
MEDICORVM DIE MARTIS XXX. OCTOBRIS M. CLAVDIO
BAZIN DOCTORE MEDICO MODERATORE PRVDENTISSIMO.

An in omni hydropse iecur a'tovov?

Hepar naturalis facultatis sedes, sanguinis & humorum officina, dum nativam constitutionem illam servat, probum & laudabilem sanguinem, ex chylo quem per mesarai venas & ventriculo & intestinis ad se allicit, sibi non aliis conficit; cuius tamen benigna & familiari portione saturatus, reliquum tanquam superfluum & onerosum in venam cavam totumque corpus amandat: tumque à singulis partibus quod ex eo sibi familiare est ingenera vi prolectum, iisque appositum, & agglutinatum, demum in propriam cuiusque substantiam conuertitur: quæ vera est nutritio, robustum corpus vegetum & floridum reddens: si verò à sua constitutione deficiat, plurium affectuum noxam non leuem, interdum etiam ruinam toti inferentium sæpe causa est: ex quorum numero sunt *Ascites*, hydrops, lepra, tres præter naturam graues & affines affectus, qui ita à se inuicem distinguuntur, vt prior distributionis, alter agglutinationis, tertius assimilationis vitium consequatur.

EX his tribus hydrops, coctricis in iecore facultatis error triplici specie distinguitur: nam vbi pituitosus humor vnà cum sanguine in corporis habitum effusus totum corpus inæqualiter tumidum reddit, Anasarca, seu hypofarca ab aliis leucophlegmatia dicta generatur; sub hac corpus molle, laxum, iners, graue, & quasi mortuo simile. Sin autem serosi humoris copia vnà cum pauco flatu inter peritonæum & intestina per cæcos ductus transmeat, ibique abdomen distendens cumuletur, Ascites: si flatuum copia cum pauco sero idem efficiat, Tympanites: in illo, dum corpus in alterutrum latus vertitur velut aquæ fluctuantis strepitus: in hoc, creberrimus ex motu spiritus percussioque ventre in tympani modum sonus (vnde ei nomen) subauditur.

Hydrops gignitur vel proprio hepatis vitio, à quauis eius intemperie, contumaci obstructione, inflammatione, abscessu, scirrho: vel per sympathiam aliarum partium præsertim nutritioni seruientium, & earum que excrementa secundæ coctionis expurgant, cystis fellis, lienis, renum & vesicæ, à quibus causis vt fiat hydrops, iecur adeo refrigerari eiusque robur infringi necesse est, vt loco sanguinis pituitam, aquam, flatumve reponat. Hanc autem intemperiem ei inuehant non modò frigida calorem extinguendo, vt nimius aquæ potus, olerum frigidorum similibusque fructuum vsus immodicus: sed etiam quæ eius calorem dissipant & resoluunt, vt febres acutæ, chronicæ, quæuis violenta corporis agitatio, & nimis intenta animi contentio, omnisque immodica vacuatio: vel quæ eundem suffocant, vt excrementorum secundæ coctionis nulla aut non debite facta secretio, & solemnis cuiusvis euacuationis, sæpius mensium & hæmorrhoidum præter naturam suppressio.

Requens & grauis hic affectus, Cachexia vt plurimum succedaneus, nulli ætati, nulli sexui parcat: eos tamen qui gulæ ventriculo dediti sunt, & quibus à natura iecur est imbecillum, frequentius præhendit: cui nisi statim per initia à solerti Medico, cui æger se obtemperantem præbeat, occurratur, vel aqua nature vi è venis in ventrem renesse confluerit, vix aut ne vix quidem curari poterit: huic si tussis superuenerit malum, hydrops à causa calida deterior quàm à frigida: qui febribus ardentibus & scirrho hepatis succedit pessimus; leuior à lienis scirrho, qui que per aliarum partium consensum, quàm qui proprio iecoris vitio suscitatur. Ex tribus hydropum, generibus, omnium leuissimus & curatu facilissimus Anasarca, deterimus & periculosissimus Ascites, medium tenet inter vtrumque Tympanites.

Ratio pro causæ antecedentis & specierum differentia varia: communia tamen ferè sunt cuiusvis hydropi, dicta tenuis ad siccum inclinans, potus paucitas, aquæ abstinentia, humorum per initia vacuatio, ex intervallis reperenda, à leuioribus inchoando, à leuioribus inchoando, præmissis preparantibus, ac roborantibus nusquam omis, frequentes clysteres, vomitus, diuretica, hydropica, aquæ Spadenses, Pucenses, balnea sulphurea, aluminosa venæ sectio in hypofarca à causa plethorica per initia tentanda: in causa calida, à calidioribus temperandum: si tumor aliquis in causa sit, is prius curandus: si mensium vel hæmorrhoidum suppressio, prouocanda. Anasarca maiorem preparationem & per phlegmagoga purgationem requirit: huic ex vsu sunt totius corporis operto capite insolatio, vel arenæ sole exsiccata cinerisve calidi obuolutio, fistulæ digitis quatuor supra internum talum. Asciti profunt purgatio per hydragoga, ventris insolatio, omnisque generis diaphoretica, phenigmi tibiis, pyrotica scroto, vel eiusdem incisio, rarò autem paracentesis. Tympaniti eadem quæ in Ascite purgatio, additis flatus discutientibus tam cibus quam medicamentis perpetuò admiscendis, ventri sacculi ex eadem materia, vmbilico magna cucurbitula cum multa flamma bis vel ter admodum plurimum conferunt.

Ergo in omni hydropse iecur a'tovov.

Defendebat PETRVS DELABOYSSIERE Blesius anno Domini 1601.

